

Hist. 6. G. M.

I. F.  
LYCURGI  
LEGUM LATORIS SPARTANORUM  
**INSTITUTA**  
**NONNULLA,**  
IN ACTU GYMNASII MAGDALENÆI  
OB PRÆMIORUM DISTRIBUTIONEM  
SOLENNI,  
*Anno Christiano M DC LXXII.*  
*a. d. X. Novembris, hor. ab VIII. matut.*  
**EXERCITIIS DECLAMATORIIS**  
A DELECTA JUVENTUTE  
explicanda,  
procurante  
**M. JOHANNE FECHNERO.**



---

VRATISLAVIÆ,  
In Hæredum BAUMANNIANORUM Typographiâ  
exprimebat Joh. CHRISTOPH. JACOBI.



## Lectoribus Salutem dico plurimam.

Am illustria masculæ virtutis documenta  
dederunt quondam Spartani, ut qui illa ex an-  
tiquitatis eruditæ monumentis recitari audit,  
in maximam rapiatur admirationem. Nam  
civium bonorum officia non ore, non inani ver-  
borum strepitu crepabant, sed opere consummato  
exequi & ope strenua patriæ salutem tueri unicè  
contendebant. Frugali victu & jugi labore ad asperiora belli studia  
ab ipsis incanabulis & lacte materno enutriti ac corroborati, præ-  
sentissimum mortis, pro adserendâ civitatis suæ incolumentate, peri-  
culum subire neutquam formidabant. Et ut ipsorum generoso in-  
cocta honesto pectora, quæ sola erant urbis Spartanæ mœnia, non cor-  
rumperentur, duram à pueris adsueti pauperiem pati, blandas illas  
voluptatum pellecebroſarum altrices divitias excelso ab ſe ſperne-  
bant animo, ac merces peregrinas multis redemptas preciis in contu-  
bernium suum non admittebant. Cumque belli potissimum ſpecta-  
rent gloriam, adſpernabantur omnes eas ceterorum Græcorum disci-  
plinas, quæ juvēnum animos emasculare, & à verā virtute, id est  
fortitudine ( hanc enim in principe virtutum censu reponeret )  
ad ociosam ostentationem & ignaviam industriae pestem traducere  
videbantur. Litteras quidem diſcebat, ſed ad uſum; non ſcholæ,  
ſed vitæ diſcendum, providenter arbitrati. Ideo iudicras artes, quæ  
tantum ad oculos, aures & mentes oblectandas faciunt, cum pro-  
fessoribus illarum urbe ſuâ in perpetuum exultare jubebant. Nihil  
ſoci apud illos erat Sophistis nugivendis, qui extemporali loquentiâ  
&

905181

II

& arguta dicacitate non laudanda lassantes, fucum faciebant populo. Nihil dabant ocii pantomimicis histriorum spectaculis, in quibus furtæ, supra, adulteria aliaque scelerum monstra, quæ Leges ventant, publicum in proscenium turpibus in personis contuenda producebantur: Scilicet his juventutem in vitium flecti lubricam facile currumpi sciebant. Sic omnes eorum mores, omnes actiones, omnia studia genuinam spirabant & viris dignam severitudinem, quâ etiam jucunda & voluptati concessæ destinata temperare norant. Vennerem non nudam & uti salo natali emergerat, sed instar Palladie pingebant armatam. Musicæ illud genus molle, quod eroticâ modulatione lumbos ad saltationem Jonicam suscitat, penitus aversabantur, heroicos solum numeros hymnosque, qui acri sono animos ad pugnam forticer ineundam instimulant, approbantes. Hujusmodi erant carmina Tyrtaei, quibus viri strenui, qui pro Spartâ occubuerant, celebrantur beati. In summa seriam ubique gravitatem exerebant, & virtutem germanam non supercilioso vultu, sed inclytis gestis prebebant spectandam, atque ex his nullum præter honestam famam expectebant operæ precium.

Quis itaque non miretur talia ac tanta præstissime illos rudes artium Atticarum & exoticarum Lacones, qui nec austera Stoæ præceptis, nec Socratis sermonibus erant imbuti? Nimirum ab iis, à quibus fuerant nati, cupiebant erudiri. Quæ autem erant illa acroamata, quæ à parentibus subinde excipiebant juniores? Hæc scilicet: Legibus patriis præstate obsequium, parete Ephoris & ceteris magistratibus, colite senes, ut alteros parentes, patienter tolerate labores, constanter perferte pericula, domi frugaliter vivite, in bello rem fortiter pro patriâ gerite, in prælium contra hostes prodite vel victuri vel morituri. Hac inquam, erant acroamata Laconica, ex Lycurgi Nomothetæ gravissimi prudentissimique Rhetris sive Institutis derivata. Hic unicè intentus Reipublicæ saluberrimis Legum præscriptis munienda ac stabilienda, ad educationem juventutis rectè & exactè formandam firmandamque præcipua consilia, præcipuas curas conferebat. Non enim ignorabat Laconum hic cordatus, ex pravâ institutione pravos pueros, pejores adolescentes, pessimos viros evadere, & sic malorum civium corruptissimos mores grandibus civitates integras mactare malis. Quamobrem  
patriæ

patriæ suæ incolumitati benè consultum cupiens, teneram illam etiam  
temporibus non in deliciis, quæ virtutis generosæ pestes certissimæ, exigendam  
frangendamque, sed arte & contentè censebat habendam.  
Nam pueros gremio materno quasi erectos in rus abtegabat, ut inibit  
vitam voluptatum mollicularum expertem agentes, ac frugali victus  
alti, pabula vitiorum, opes opimas respuerent, aspidisque laboribus  
edurati ad patientiam & infractam in ærumnis periculisque susti-  
nendis constantiam, virile corporis ac animi robur mature colli-  
gerent. Ita fore credebat, ut juventus Spartana ex agrorum redi-  
tatu honestam, quanquam exilem, quæstum capessens, paupertatem  
fortitudinis instigatricem à teneris coleret ungivculis, & divitias  
peregrè terrâ marique conquisitas neglectim haberet & contemtim.  
Quare peregrinari juvenes & commerciorum gratiâ exteris adire-  
nationes, ne peregrinis cum opibus peregrinos mores inferrent, se-  
riò prohibebat. Rure demum cum virilem habitum jam induisa-  
sent, in urbem revocatos in palestrâ armis subinde tractandis exer-  
ceri & præludiis agonâlisbus ad bellum parari jubebat. Non enim  
cives tantum bonos & incolas industrios, sed & strenuos bellatores  
fortissimosque propugnatores Lacedæmon tot undique hostibus emu-  
lisque, qui libertati ejus insidiabantur, cincta postulabat; postula-  
bat, inquam, non homines solum, sed viros; non Mercuriales, sed  
Martiales, qui contra quoscunque adversarios arma semper habe-  
rent in mundo, in promtu, ut in aciem progressi, cum iisdem non  
ad portas civitatis, sed aperto in campo collatis configerent signis,  
& pugnâ infatigabili non recessuri, nisi hostium vim vi aut victrice,  
aut vindice aris & focis patriæ defendissent. Ac ne receptaculum  
ex acie profugientes & ignaviae asylum timidi reperirent, idem  
Lycurgus urbem non saxea mœniorum mole, sed vallo mediocriter  
saltim exaggerato voluit præmunitam. Nam quid profunt propu-  
gnacula eductis in altum muralium turritarumque minarum sub-  
structionibus coronata, nisi sufficienti & numero militum fortis-  
simorum præsidio fuerint instruta? Scilicet ab hostibus subitaneo  
impetu intercepta & occupata certissimum inferunt exitium regio-  
ni, cuius in tutelam olim erant condita: quod priorum seculorum  
memoria & nostri quoque temporis experientia facit testatissimum.  
Spartani itaque armati aduersus hostes ibant, non expectantes illo-

rum ad urbem accessum; ibant autem non tanquam in bellum, sed in prælium, patriæ salutem, quæ suprema lex est bonis civibus, omni virium contentione propugnatur. Tales verò ut essent illi, id est fortissimi civitatis sua defensores, provida mens Lycurgi procura-  
verat, dum virtutis bellicæ obstacula divitias & delicias molles eos procul habere jussit. Eodem modo & Romani illi antiquissimi, qui-  
bus horrida paupertas in precio adhuc erat, duces, qui sterile Pupi-  
niae solum versabant, ab aratro evocabant ad dictaturam, & confecto  
velociter & feliciter bello, in rus suum colendum dimittebant trium-  
phales illos aratores. Horum verò ope magis magisque Romanae  
crescebant vires, quæ deinceps eum Asiam devictâ Atticæ opes in  
urbem essent invictæ, cumque illis luxus divitiarum depopulator, de-  
creverunt paulatim tandemque barbarorum invasionibus fuerunt  
obtrita. Idem accidit Lacedamoniis, cum Lysander gente, non  
mente Spartanius, & non minus perfidiâ, quam fortitudine notus, oc-  
cupatis Athenis, pecuniam Atticam in civitatem intulisset: Tunc  
enim excusâ frugali paupertate, & opibus illius in locum cum de-  
liciis receptis, animi illi Martiales languescere, viresque Sparta-  
nae, quæ prius invictæ videbantur, à Thebanis primum in pugnâ  
Leuctricâ attritæ, ac demum à Regibus Macedoniae dejectæ expi-  
rarunt. Hunc eventum sortita est Respublica illa clarissima, quæ  
quamdiu à Lycurgo Leges latae obsequio pertinaci servavit, per  
septem fermè secula viris & viribus fortissimis floruit incolumis,  
& contra quoscunque hostes persistit insuperabilis.

Leges hasce Lycurgi Plutarchus Græcarum antiquitatum Sta-  
tor nobilissimus partim in rapsodia de Vitâ Lycurgi, partim in libel-  
lo de Institutis Laconicis exposuit & eruditæ communicavit poste-  
ritati. Præcipuas vero illarum & selectiores, quæ juventutis ex-  
actam institutionem potissimum spectant, Justinus Lib. 3. Epitomes Hi-  
storicae cap. 2. & 3. recensuit: Quæ dignæ nobis sunt visæ, ut in  
eisdem expticandis commendandisque Adolescentes quidam & alumni  
Gymnasii nostri delecti ingenii & eloquii viriculos periclitarentur.  
Idque Die erastinâ, Deo clementer annuente, in Aëtu declamatorio,  
quem Magnificus Amplissimusque Senatus noster ob præmia, juve-  
nilis & puerilis industria tam excitandæ, quam remunerandæ gra-  
tia distribuenda, solennem esse voluit, exequi meditamur, producturi  
nonnul-

nonnullos ex discipulis nostris, qui de Institutis Laconicis, non quidem Laconicâ vel Atticâ, sed simplici & contractiori Svadâ conceperat & sine manuactione præceptoris ab ipsis elaboratas Declamationes recitabunt.

A Vobis itaque Viri Magni, Clari, Boni; Domini & Patroni colendissimi, Fautores & Amici honoratissimi, eâ quâ par est, observantia contendo, ut Cras horâ in frontispicio indictâ Acroaterium Gymnasii nostri inviserem, ac honorificâ suâ præsentia & proclivi in auscultando faventia Declamatores nostros animare non digneemini. Mea quidem tenuitas æquivalens officiose promtitudinis hostimentum reddere nescit: Attamen obsequii, observantiae & amoris reciproci studium in me languescere non patiar, Deum Opt. Max. suppliciter orans, ut Vos tempestate hac turbulentissimâ sub alâ potentiae suae immensa incolumes incolumi in civitate conservet, & à totâ Silesiâ clades bellicas, quibus vicini populi infestantur, clementissime avertat. P. P. A. C. 1672. Die Novembris 9. quo Annum etatis meæ 68. clando, cras, Deo volente, 69. ingressurus.

### Prodibunt ad dicendum.

- I. Prologus, Christophorus Güssaw Vratislaviens.
- II. Declamatores, exposituri Instituta quædam Lycurgi, à Justino L. 3. c. 2. & 3. enotata & in formam Theinatum redacta.
1. Plus apud bonos pietatis jura, quam omnes opes valere debent:

Sigismundus Wihl / Goldbergensis.

2. Leges in tutelam Reipublicæ à Magistratu sunt instituendæ :

Balthasar Stephani, Bregensis.

3. Nihil Lege ullâ in alios sancit Magistratus  
bonus

bonus, cuius non ipse primus in se det documenta:

*Johannes Seffnerus, Vratislavensis.*

4. Populus in obsequia Principum sedulò formandus est:

*Johannes Zennerus Fürstenwald. Marchiacus.*

5. Par simonia omnibus, præsertim juvenibus seriò mandanda est:

*Zacharias Regius Vratislavensis.*

6. Laborem militiæ assidua frugalitatis consuetudo faciliorem reddet:

*Johannes Künzelius, Leobergensis.*

7. Magistratui custodia Legum & administratio Justitiæ est demandanda:

*Christianus Bannerus, Olsenas.*

8. Juvenes non amplius unâ veste toto anno utantur, nec quisquam cultior, quam alter, progrediatur:

*Johan. Albertus ab Heigel.*

9. Pueri puberes non in forum, sed in agrum deducantur, ut primos annos non in luxuria, sed in opere & labore agant:

*Johannes Neunherg/ Schmiedbergensis.*

io. Virgines sine dote nubant, ut uxores elegantur, non pecuniæ:

*Georgius Memmigerus, Vratislaviensis.*

ii. Maximus honor non divitum, sed pro gradu ætatis senum esse debet:

*Christianus Ernestus Creutzmannus, Strelensis.*

12. Urbes potius fortium virorum viribus, quam muris sunt muniendæ:

*Daniel Fritschius, Vratislaviensis.*

III. Pueri Instituta alia Laconica à Plutarcho congesta recitaturi,

*Zacharias Strauß / Vratisl. Johannes Gottlieb Etzlerus Vratislav.*

*Gotofredus Hahn / Schwidn. Zacharias Baude man / Vratislav.*

IV. Puelli Themata à superioribus exposita Germanicè versa pronunciaturi,

*Johan. Georgius Hoppe / Vrat. Georgius Fridricus Wende / Vratisl.*

V. Epilogus, *Johan. Fridricus Panchner / Schotk.*  
His ita expeditis Magnifici & Amplissimi Senatus Præmia, singulis, qui dixerunt, tribuentur.

